

時勢各有不同故耳矧際我 皇上御極伊始 聖治維新多士志切觀光更必異常踴躍尤宜特存寬大未便過事拘泥相應請  
旨飭令仍照歷屆變通辦理並飭令各省學政於科舉錄遺時認真考取既不至碍玉雜進亦可免窒碍難行之虞臣愚昧之見是否有當伏  
乞 皇太后 皇上聖鑒施行謹奏奉 旨已錄

光緒元年二月初一日 目錄 諭 旨 湖廣督 奏 請 衍聖公 奏 請

二月初一日兵部太常寺太僕寺廂黃旗值日 太常寺奏派致祭 白龍潭等處之散秩大臣 派出載森果齊遜恒惠穆隆阿恩慶 吏  
部呈進月官卷十一本 內閣奏派驗放之王大臣 派出禮王皂保董恂殷兆鏞 召見軍機

旨張家驥楊紹和俱轉補翰林院侍讀張鵬翼歐陽保極俱補授翰林院侍講欽此

旨長叙補授太常寺卿欽此

旨春佑現在住工廂黃旗漢軍都統著載容署理欽此

旨景瑞現在住工正藍旗蒙古副都統著恩承署理欽此

湖北巡撫臣翁同龢跪 奏為知府試用期滿堪以煩缺留省補用恭摺具陳仰祈 聖鑒事竊查例載試用道府一年期滿該督撫察看  
才具分別堪勝煩簡奏 聞照例題補等因茲查試用知府張勝亭現年四十九歲係直隸昌黎縣人由附生中式咸豐二年壬子科副榜四

年遵例報捐教職五年二月籤選天津府青縣教諭五月到任十一年初次俸滿留任是年八月因場差進京在捐銅局報捐郎中籤分戶部

貴州司行走兼江南司幫稿同治七年因 玉牒全書告成議叙歸班班先即選九年因前在籍辦理團練出力保 奏奉 旨賞加

知府升銜十二年四月遵例報捐知府指分湖北試用閏六月十七日經吏部帶領引 見奉 旨照例發往欽此十九日蒙召見一次二十

一日領照起程於十月初八日到省茲自到省之日起扣至十三年十月初八日試用一年期滿據藩臬兩司取造履歷清冊會詳呈請具

奏前來臣到任未及三月例不出考並據該司等聲明該府張勝亭老成諳練任事實心堪以煩缺留省補用除清冊咨送吏部查照外謹會

同督臣李瀚章恭摺具陳伏乞 皇太后 皇上聖鑒 勅部查照施行謹奏軍機大臣奉 旨吏部知道欽此

襲封衍聖公臣孔祥珂跪 奏為瀝陳下悃籲請節哀並懇 恩准臣進京叩謁 梓宮事竊臣於本月十七日在籍聞 大行皇帝升

遐伏地搶呼罔知所措欽惟 大行皇帝御宇十有三年 深仁厚澤普被寰區今龍馭上賓凡在血氣之倫莫不攀號擗踊我 皇上紹

承大統自必悲思愈切追慕無窮惟是 躬理萬幾 宗社民生關繫綦重仰懇 稍抒哀痛一副兩 宮之付託下慰四海之瞻依臣蒙

大行皇帝養生成至優極渥自同治四年入 覲備荷恩施迄今星紀未週而緣鼎湖已邈椎心泣血哀戀彌深理宜進京叩謁 梓宮並

瞻仰天顏恭聆訓示不勝顛懇待 命之至謹瀝誠繕摺具陳伏乞 皇上聖鑒謹奏軍機大臣奉 旨著准其來京叩謁欽此

頭品頂戴湖廣總督臣李瀚章湖北巡撫臣翁同龢跪 奏為特參貪劣不職之知縣請 旨革職以肅官方恭摺仰祈 聖鑒事竊照

知縣為親民之官責任綦重自宜潔己愛民勤求治理如有貪劣之員亟應隨時察訪據實劾參以儆官邪茲臣等訪聞署湖北咸豐縣事遇

缺卽補知縣傅作霖於海任後卽向鄉間殷富告貸復假做生名色任意搜羅其於民間詞訟並不按告期令具呈人當堂投遞概由差役傳詞入署藉得需索詞費以致丁胥矜憐勾串架捏勢必累及無辜深爲閭閻之害似此貪劣不職未便稍事姑容據湖北布政使林之望按察使王大經轉據該管道府揭報會詳奏前來相應請 旨將署咸豐縣事過缺卽補知縣傅作霖卽行革職以肅官方除已飭司先行委員馳往摘任代理一面檄飭該本任知縣余思訓迅速回任供職外謹合詞恭摺具奏伏乞 皇太后 皇上聖鑒勅部查照施行謹奏軍機大臣奉 旨傅作霖著卽行革職該部知道欽此

湖北巡撫臣翁同龢跪 奏爲道員知縣試看期滿甄別留省補用恭摺具陳仰祈 聖鑒事竊准部咨道府州縣無論何項勞績保奏歸入候補班人員令該督撫卽以此項人員到省之日起予限一年詳加察看認真考核如係爲守兼優堪膺民社之員出具切實考語奏明分別繁簡補用等因茲查鹽運使銜湖北補用道胡鳳丹候補班儘先補用知縣李作鑽各試看一年期滿據藩臬兩司取具各員履歷清冊詳請甄別具奏並據聲明鹽運使銜補用道胡鳳丹老成幹練才具優長候補班儘先補用知縣李作鑽年壯才明均堪以煩缺留省補用等情前來隨經臣考驗無異謹繕具各員履歷清冊恭呈 御覽除清冊送部外理合會同湖廣總督臣李瀚章恭摺具奏伏乞 聖鑒勅部查照施行再臣到任未及三月例不出考合併陳明謹奏軍機大臣奉 旨吏部知道軍併發欽此

李瀚章片 再保留長江提標儘先副將王金亮湖南長沙縣人由武童出師皖蘇浙江等省迭次剿賊出力遞保今職同治八年正月內隨同前督臣李鴻章赴鄂差遣管帶砲船在於湖北蒲圻等處巡防六載毫無貽誤臣查副將王金亮係奏留長江提標補用之員本應飭歸提標效用惟該員在鄂差遣多年於地方情形最爲熟悉相應請 旨俯准將長江提標儘先卽補副將王金亮改歸湖廣督標差遣委用出自逾格鴻施謹附片具陳伏乞 聖鑒訓示謹奏軍機大臣奉 旨兵部議奏欽此

光緒元年二月初二日 目錄 諭旨 陝甘督 奏 請 四川督 奏 請

二月初三日刑部都察院大理寺正黃旗值日 睿王等點驗火藥覆命 寶中堂謝領閣事恩 容貝子署兩廣漢都統恩 龔自閔謝值閣事恩 恩承謝署正藍蒙副都統恩 張鵬翬等各謝授侍講恩 安興阿謝授班長恩 阿昌阿彈壓覆命 誠端致祭明陵請訓兆珏東黃寺聽經覆命 全佑假滿請安 長叙謝授太常寺卿恩 刑部遞核議減等月摺十件 召見軍機

旨著托克托布慶誠隆光聯斌專司稽查一年旗務欽此 旨稽查正藍旗漢軍旗務著恩崇去欽此 太常寺題二月二十八日祭歷代帝王廟奉 旨遣晉祺行禮兩廣漢都統勒布阿昌阿鐵祺與恩各分獻欽此

欽差大臣大學士陝甘總督一等恪靖伯加一等輕車都尉臣左宗棠跪 奏爲據員補署知縣各缺以重地方而資治理恭摺具陳仰祈 聖鑒事竊臣據甘肅布政使崇保按察使楊重雅會詳稱案查前奉部章嗣後首府首縣缺出應于通省正途人員內揀選調補如無合例調補或人地不宜在於各項出身內遴選調補又查吏部銓選變通章程內開雲貴甘肅升調補缺知縣要缺一項初任候補並揀發委用以及到省在後各員均准通融揀選題補部選各缺道府以及未入流亦照請補要缺章程無論何項缺出擇其人地相宜之員請補俟軍務告竣